

[www.BibleForChildren.org](http://www.BibleForChildren.org)

# Mataio 26



Makekenggac  
hombang imocac  
wenac 6 femanu  
Yesungo Radzaroac  
taonnu Betania, ihai  
kenec. Yesungo ngic  
yenoc homecfunac  
megboriec. Tacmagec,  
imohai Mariango sebiac  
kerec lita noboha,  
kpete imocacsoc  
mema Yesuac haniau  
kpakema nadzicmiec.



Kerec, imoc  
narda forauac  
memea amma  
imocac buma kuneng.  
Nadzicmima orucdzoeango  
hania meusuranggeec.  
Ifi anu kerec  
imocac homunango  
fima ama mana  
sokodacma feec.



Anu medacfora 12 yene arunac mong kpara Yuda  
Karioto amaunac, yeng Yesu meyemmeudeac dema  
womonggareng enara yene aru  
kenec. Kenu yeni ubangerec  
negemma dzo mige cdeac  
degec. Ifi degec Yudango  
nasogombung damohai  
Yesu doc mema  
yereac mariu  
faiude, imocac  
kicfifi kefec.




Nga Yesungo medacfora yoac  
edeyunuec, imoc tofohodacma  
makekenggac ramamedaha  
ohomengere anggec. Anu yeni yaka  
nemagec Yesungo ic sogong mong  
mema Anutuac ubangerec dema  
mendzicma medacfora yofi dema  
yemmeec, "Ngeni mema negec,  
yomoc fusina."




Ifi dema kpakenec mong mema  
Anutuac ubangerec ammima  
numumima yofi dema yemmeec,  
"Yomocngo dzadzahac gboriaac  
sacna, imoc ngicngac homac  
yeneac kopocsic wayemmeudeac  
kpetic kpetinggea, imocac ngeni  
sasawango imoc negec."



"Simong, Simong, negenna, Satang ye ngic yeneng wit seuha kpegec maudeac kpemindzaheandae, ifi isoc gombungaunac merengngunuu manganegecdeac bic arenggema derecgenendac. Nga Simong ge ine negen negensingga ukuna mi maudeac, neng geac amma nunumu ua bic medua. Amma ubaga meremma nearu monggoc dzigenema dacmunafocga meseriyunubesena."



Ifi deu Petorongo merenec, "Kebu, ni gegoc witicamau kembade amma homebadeac bic efaidua." Ifi deu Yesungo edeec, "Petoro, ni edeguba yaguc tofocnac yomohaingoc kokorec mi arohomanu geng neac sebiheina atac harebec anude."





Anu Yesungo kengkecma  
ua bangec mong kpara  
Gedzemané, ihai  
kensikema medacfora  
yofi edeyunuec, "Ngeni  
yei tacmagec ni edi  
kemma numubade."  
numuma yofi deec, "O  
Manggac manna, gearu  
wiac sasawa imoc efea. Ge  
kpakenec yomoc wangechnuna.  
Anu neac songo ine mi seribeso  
, kpac. Geac songo nga negen  
negeng imoc seribeso."



Ye ifi negemma womonggareng enara nga farisaio  
yeneac wasaingicfocngina amma kingangngicfocngina  
goa meyunuu hagec. Hama yenahafoc kifa  
hania hania nga yareac wiac goa momoc  
mekenggec. Nga yeneacunac  
mongngo womonggarengtoa  
yeac wanacngic kpema  
kedzaha foiugeng  
herecgeec. Herecgeu  
Yesungo yofi deec,  
"Ngeni faka imoc  
wagec." Ifi dema  
wanacngiac kedzaha  
kpeserema mengereec.



Ifi anu yeni Yesu mema womonggarengtoaac amau  
mekenggec Petoero ye ngadenginau hereaungoc  
modacyunuma kenec.



Kenu ngic goa yeni amaac oda manau sobeng dzongiau  
gerec figec dzeu dzeunegemma tacgec Petorongo  
yeneac botucfu mataru wanac naroang mongngo  
Petoro gerecfu taru kic  
fima hemma deec,  
"Ngic yomocngo  
yegoc kecande."



Ifi deu  
womonggarengtoaac  
wanacngic mong, ye  
Petorongo kedzaha  
herecgeec, yeac  
arennunac, yeng deec,  
"Ge yufu uau yegoc  
tacna neng genai." Ifi deu  
Petorongo monggoc busic  
kpeu imohaingoc kokorecngo  
arohoec. Imoc negemma  
Petorongo ngadeau kemema  
ubahodung kuneng mema  
kiac hodung kiarec.



Dema kpeturanggema tacdacgec,  
yeni sasawa yacma Yesu mema  
Piratoaru mekemma Ifi degec  
Piratongo kpesimiec, "Ge  
yudangic yeneac  
ngictau me?" Ifi  
deu meremmiec,  
"Imocnoc geanggaoc  
denec."




Nga Piratongo ine ngicngac yenearu  
monggoc serima deec nocac ye Yesu  
yungeru kenudeac negenec.

Ifi deu yeni arohogec,  
"Ge mariponnu kpena  
homeu, mariponnu  
kpena homeu."



Ifi degec Piratongo mariponnu  
kpegecdeac maringinau faiec.  
Faiu Yesu yengenaoc mariponga  
tofohou bangec buma mong  
kpara Hatasic degec nga  
hebirairo yoacfu Gorigata,  
imohai mekenggec.






Imohai kemma Yesu mariponnu kpegec.  
Nga yegoc ngic yohockang noboc  
nga noboc Yesu botucngirau,  
ifi yunugec.



Nga wenackiwa kundung kpeec, naso imohaingoc  
Anutuac womonnu kpoructoa womongmana kpetiac  
yombong naguyau nanec, imoc tohou yohockang anec.  
Nga Yesungo ubaudumeng  
kunengngoc kpacma deec,  
"Manggac, ongaasuna  
marigau faiduae."  
Ifi deu asuya ereec.



Yosefe Arimataia taonnunac,  
yeng ihai haec. Ngic ye  
kpactoayagoc yudangic  
yeneac tutumangtoa,  
imocac membangina  
mong amma  
ye Anutuac  
eucererenggac  
tomai kefec.

Yeng kengeha  
kpac Piratoaru  
kemma Yesuac  
fareng meudeac  
kpesimiec.



Desimiu Yosefengo linengkporuc  
mong bummema Yesuac  
farenga mariponnunac  
mesiu mau kporucngo  
tembonggema  
kicsereu mekenec.

Kicsere imoc  
hocsirau  
singa usu usuya,  
imohai farenga  
faima hoctoa mong  
kpedidinggeu singa  
hedzickeec.



Wreckengau sabata asoac anu  
womonggareng enara nga farisaio  
yeni kpeturanggema  
Piratoaru kemma degec,  
"Kunennina, ikocngic  
imocngo gbori  
kecmangoc, yoac  
mong deec, . . .



... neni imoc negensidimbe, imoc  
edeguni negenna, 'Ni  
homema wenac harebec  
ammanu Anutungo  
homecfunac megborinuu  
monggoc yacbade.'"



"Ifi deu yeni kemma kicsereac  
hocnagu mi kpedidinggegedeac  
witiau kpaɛ faigec.  
Faima wasaingic  
yeneng gareng  
nanggedeac  
edeyunugec."



Sabata naso wisickeu sonda gboria  
hanac hanaheau ama werec  
wereckenggac Maria Madara  
amma Maria ogea, yeri  
kicsere hembesonga  
kenoc. Kemmaec  
Kebuac angero  
mongngo  
kurumennunac

mau usoctoa  
kucbiricngoc  
meuyeng kicsereac  
hoc kpedidinggeu  
kenu witiau  
emma tarec.






Nga gareng yeneng ye  
hemma kengecyunuu  
dzonongngina fedeu  
homebesonga amma  
fekenggec.



Nga ngac yeri kensikemaec angerongo  
yofi edeyuruec, "Ngeri mi  
kengecnguruu, ngeri Yesu  
mariponnu kpekpea, ye  
hembeso hadape, imoc  
negenduae. Nga ye  
ine yei mi fede. Ye  
edengunuecmoc,  
ifi yacdac.




Ngeri yoc  
hama fefea  
henec."



Ifi anu yeri kicsere wama damu nga  
sogac sogaitoagoc medacfora siduc  
edeyunugecdeac nedzima bic  
kenoc. Nedzi kemma Yesugoc  
ewacgec yeng yofi deec,  
"Wenacngerec." ifi deu yeri  
hoangau ngonducnema  
haniau mema afeheoc.





Anu medacfora 11 yeni yaka nema tacmagec Yesungo  
fingecyemmeec. Nga ye yarec hemma edeyunugec,  
imoc mi negensinggegec nga ubangina seriecac amma  
ngaba siricfu yoac edeyunuec. Kebu Yesungo yoac ifi  
edeyunuu wisickeu Anutungo ye kurumennu  
meenu yeac foiau tacde.



Imoc  
yofiac, Anutungo  
bangectoa bangecfu ngicngac ngeneac  
noc isoc ammiécac Medaha mocgu faiu  
bangecfu maec. Imocac ngic mongngo  
ye negensinggeude, ye manganau  
mi kemeude yeng ine  
kekecseri meude.



Roma 3:23 nenang sasawa kopocsic meficgema kuc nga kibikperagia Anutuarunac haande, imoc kekecninau obohoma kecdimbe.

Roma 6:23 Imoc yofiac, kopocsicac buma imoc homec megecde nga Anutuac wosoefac, imoc Kebunina Yesu Kristoac amma kekecseri buma kpac nemmebesande.

Hebiraio 9:27 Anu ngicngac sasawa naso mocgusac homenideac dedea nga ngadeau kecma yoacfu nambesonga.

Efeso 2:8,9 Imoc yofiac, ngeni Yesu negensinggegecac yeng danggunuha ngemmema kopocsicac ebicfunac mesingunuu komoc kpegecde. Nga imoc ngenang gombunggac kpac.



Anutungo wosoefahaac amma wiac imoc ngemmeec.  
Imoc ngenang angammemeac kpac. Imocac ngic mongngo  
yengenaac negenu wiac engena mi ambeso.

Roma 10:9,10 Imoc yofiac, ge enacbibicgango, Yesu ye  
Kebu, imoc dekperaginade nga Anutungo Yesu  
homecfunac megboriec, imoc negensinggenadeu  
Anutungo kopocsicgaac ebicfunac mesiguu komoc  
kpenade. Nenang ubahereninango ye negensinggeni yeng  
dindingac denemmeude. Nga enacbibicninango ye  
dekperagini yeng kopocsicninaac ebicfunac  
mesinunuu komoc kpenide.

Yohane 3:16,17 Imoc yofiac, Anutungo bangectoa  
bangecfu ngicngac ngeneac noc isoc ammiacac Medaha  
mocgu faiu bangecfu maec. Imocac ngic mongngo ye  
negensinggeude, ye manganau mi kemeude  
yeng ine kekecseri meude.



Anutungo Medaha bangecngic manganangina isinggema desiudeac sueu mi maec, kpac. Ye bangecngic ebicfunac mesiyunuu komoc kpegecdeac bangecfu sueu maec.

1 Yohane 5:11-13 Nga dedekperagia yomocngo hepucnina ande, Anutungo kekec wisic wisickea kpac nemmeec nga kekec imocngo Medahaaru fede. Ngic mong ye Medac hoanggeude, yeng kekec foragoc kefude. Nga mong ye Anutuac Medac mi hoanggeude, ye ine kekec foragoc mi anude. Ngicngac Anutu Medahaac kpac negensinggedae, yeneng kekecserigoc kecgecde, ngeni imoc negentegecgecdeac kibi yomoc ohongemmeduae.





Mataio 26-28; Ruka 22-24; Yohane 13-21

Storyline by: Edward D. Hughes

Illustrated by: Janie Forest  
and Alastair Paterson

Adapted by: Lyn Doerksen

Dedua Bible (ded) © (Active), Wycliffe Bible  
Translators, Inc. All rights reserved.

<https://live.bible.is/bible/DEDWBT/MAT/1>

©2024 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

